

鄖縣古蹟志卷九

上下千古幾易滄桑俯仰登臨感慨係之鄖鄉自漢唐以來世凡屢易過荒城故墟盡爲禾黍卽名賢間有真跡而斷碣殘碑半零落於荒煙蔓草間甚矣天地間窮變通久令人不可思議固如是乎迄今江山留勝陵谷依然若不爲蹤尋而標識之更數十世其遺佚又當何如將考鏡無資毋亦訪古者之憾與爰備述其巔末而附以冢墓後之人知人論世庶有一端可尋耳志古蹟

鄖縣志

古蹟卷九

一

古蹟

長利廢縣在縣西北水經注漢水又東逕長利谷有長利故城舊縣也

鄖鄉故城卽今縣治水經注漢水又東逕鄖鄉縣故城南謂之鄖鄉灘縣故黎也卽長利鄖鄉

豐利廢縣寰宇記本漢長利縣地晉太康五年改長利爲錫縣後魏分錫縣置豐利縣按今縣西百二十里東豐保西豐保皆以是得名

堵陽故城縣西南梁置後省唐復置尋又省水經注又

東過堵陽縣又堵水北逕堵陽縣南舊唐書地理志
武德元年置南豐州領堵陽縣貞觀元年省入鄖鄉
俱一統志

漢王城縣東北百二十里相傳漢光武嘗屯兵於此
濮王城省志東百二十里唐太宗第四子泰封此舊志
唐濮王薨閻氏捨宅建延壽宮卽今乾明寺按舊志
作漢王誤

梳妝臺道志東六十里地名蓼池

天馬山省志南一里下臨漢江相傳有白馬夜出嚙田

鄖縣志

古蹟卷九

二

禾土人逐之卽投巖下水中久之巖忽崩裂如劈上
有天馬王三字甚明馬不復見字今存明撫治沈暉
有詩見藝文

明嘉靖間知府許調鑿二洞題曰月窟又構天馬亭

其弟許倫有
記詳藝文

春雪樓卽北門城樓明撫治王世貞穀日登之適雪霏

始霽觸景娛懷因題此額並綴以詩見藝文撫治徐學

謨歌以和之又爲之記詳藝文

撫治廢署府治東百步今學使試院也先是成化十三
年撫治原傑建匾其堂曰帥正嘉靖癸卯胡東臯改

曰保釐題名於堂東

明尚書湛若水記詳藝文

萬曆乙亥孫應

鼇請更璽書爲提督軍務卽以撫治署爲提督行臺

王世貞有記詳藝文

其制前爲大門次儀門東爲土地祠西爲

抄案房大堂後爲川堂凌雲翼匾曰持廉秉正旁有

石刻鐫徐學謨詩又東爲清美堂王世貞並綴以詩

西爲武庫西爲仕學齋後爲寢室東西廂爲廚房爲

書房陳雍蔣曙先後建王以旂建大門坊東曰撫安

西曰肅清陳志改東曰控制上游西曰撫鎮三省楊

俊民又改東曰萬里長城西曰三藩風紀大門外西

鄖縣志

古蹟卷九

三

南爲都司官廳西北爲守備官廳東南爲府官廳南

爲衛縣官廳今俱改爲學使行署人亦呼察院云內

有古柏八株今存其三

吳省欽有八柏歌詳藝文

察院行臺東十里許歲久圯明萬曆五年知府宋豸復

修後廢

舊志

下荆南道廢署府治北迎恩觀西原吳二公祠之左明

季燬撫治移駐襄陽守道移駐撫治署今爲安襄鄖

兵備道駐襄陽

巡檢廢署一在東北雷峰堙一在西北青桐關

稅課司廢署西關里許今爲稅課所

鄖陽水驛東一里明設久廢

大理公署布按分司二署推官照磨司獄主簿倉大使
行都司都指揮鄖陽衛俱有廢署年久遺蹟多不可
考

龍門書院明萬曆丁未撫治黃紀賢所建也以治近龍

門山故名明末兵燹縣治燬移駐書院明統志郢山

書院

疑卽今鄖山書院

又五賢書院在府治北正德閒建內

祀周程朱張五子今文昌宮其遺址也又康熙閒知

鄖縣志

古蹟卷九

四

府黃焜於府治後建有書院後人稱黃公書院今改
龍神祠

文筆峰城東十五里明時建相傳明末馮路二賊燬基

址猶存乾隆閒里人掘得一石鐫夜靜風聲弦上濤

七字後題撫治畢懋康見存泰山廟內

鑄錢局明設今廢

馴致堂在府署內今無存

環亭在經歷署久廢

東軒在府署東同知署內康熙初郡丞商永傑重建後

缺裁併入府署軒亦廢

仇昌祚有記詳藝文

煙雨亭在府署後山椒康熙初知府李燦然建後亭燬

礎尙存

仇昌祚有記詳藝文

道光五年知府李羲文重建十四

年署府衍秀修葺

黃吉士莊距城百四十里在縣西豐利河相傳明世黃

翰林故里今無考

黃龍市舊址距城西百里在黃龍灘西南岸土人至今

猶相呼爲老店

宋儒范氏心箴碑寬四尺高二尺四寸石細字端楷前

鄖縣志

古蹟卷九

五

書心箴一篇後書註疏一段中有神漢印章一顆兩

邊繪以龍文不知刻自何時咸豐十年四月十六日

土人在縣學宮後山掘出今嵌於縣學明倫堂牆西

見藝文

董宗伯學士真筆石刻董書字成一家由明以來得之

者珍若拱璧同治四年三月鄉紳余澂廷在郃家衝

得之其石縱橫各六寸許淺碧色沈重細膩一面鐫

唐人小楷一面鐫先生跋語中殘缺六七字筆勢秀

勁真遺筆也邑人歲貢生段肇基有記

葬履壇西百九十里龍山頂昔有張黃二真人飛昇去
遺履葬此有二石類人形侍立壇所

舊志

石箱安城溝有巨石方廣數丈形類箱兩岸峭壁如削

中通一徑兩水夾流石箱屹立其中

釣魚臺在葉門保婆婆洲一石湧立河干形似魚翁垂

釣上有泉水自山頂飛流作勢圓轉如環下入堵河

中有路行人傍石冒水而過俗呼爲葉洲玉帶水

墳墓

濮王墓道志東北六十里舊志俗呼李王墳省志作宋
濮王誤補註唐濮恭王墓在縣北五里輿地紀勝地
名長辦村有廟

麻衣真人墓在縣南白鶴觀省志

九女塚元時人不詳姓氏在縣西南道志

溫如玉墓在郡城北十二里觀音保鳳起港後玉世貞墓志

銘詳
藝文

貞女曾氏墓在郡城南相公嶺詳烈女志

鄖縣志

古蹟卷九 墳墓

七

廣威將軍曹其勝墓房志稿在府北門外先是其勝以
功授參將管竹谿營中軍守備後因勦流寇自千馬
巖凱旋病歿葬此按竹谿縣志守備曹奇勝房縣人
其作奇

許公墓在小東門外數十武鄖通判許文耀死節葬此
詳祠祀

蠻王墳山伯墳任知縣墓張尙書墓舊志未詳何代人
亦不記其地

朱巡按墓在瓜子保距城八十里世系無考

藍天官墓在藍家保距城七十里未詳何時人

羅狀元墓距城百四十里在廣山魏家莊大塚巨碑字跡模糊未詳何代人惟碑上鐫有江漢朝宗四字將軍墓在武陽洞平岡下左右尚有禁地

明指揮康 泰墓在北門外梅子園

雲南沅江總兵督都同知何超龍墓在東鄉岨峪保

宋侍郎墓在江峪保關亭鋪相傳明朝人

懷遠將軍徐世勳墓在徐家坪公淮南人明萬曆間指揮僉事名見大東門關帝廟鐘上三百年來子孫繁

鄖縣志

古蹟卷九

墳墓

八

衍現今徐清來即其後裔

文林郎黃汝槐墓明萬曆陝西白水縣知縣在花園保唐家坪古塚不知葬自何時有山杉十三株大數十圍嘉慶間土人因樹冒認爲祖墳成訟方山王公詰兩造三代是何名諱均無以對因判曰爲子孫者旣不知祖宗名諱又焉知此塚爲祖宗墳墓耶樹不准伐塚宜有倚遂諭附近陳王二姓永遠守禁邇來樹傍又生小樹二株大亦數圍相傳爲王公甘棠云

叢塚在九里岡官地高阜處同治元年開濬城壕城東

北附郭各墳共拾遺骸一千餘具合葬於此名曰叢
塚記有

府署後有墓一座未詳葬何代前郡守西蜀胡允林題
以古先生墓

鄭縣志

古蹟卷九墳墓

九